



Broj: 02-11-4-2134/26

Goražde, 22.07.2026.godine

Na osnovu člana 70. stav 1. i 3. Zakona o javnim nabavkama ("Službeni glasnik BiH" broj 39/14, 59/22 i 50/24) u postupku javne nabavke – otvoreni postupak "Nabavka građevinsko-zanatskih radova na adaptaciji zgrade Gradske uprave Goražde", Gradonačelnik Grada Goražda donosi:

ODLUKU

o prihvatanju ponuda ponuđača "Goraždestan" d.o.o. Goražde za ustupanje građevinsko-zanatskih radova na adaptaciji zgrade Gradske uprave Goražde

I

Prihvata se preporuka Komisije za provođenje postupka javne nabavke građevinsko-zanatskih radova na adaptaciji zgrade Gradske uprave Goražde, te se ugovori u postupku javne nabavke "Nabavka građevinsko-zanatskih radova na adaptaciji zgrade Gradske uprave Goražde" koja je podijeljena na lot-ove dodjeljuju:

- Lot 1 - Ustupanje radova na izradi i postavljanju pulta u šalter sali, ponuđaču „Goraždestan“ d.o.o. Goražde, čija cijena ponude iznosi 12.734,00 KM bez uračunatog PDV-a;
- Lot 2 – Ustupanje molersko-farbarskih radova, ponuđaču „Goraždestan“ d.o.o. Goražde, čija cijena ponude iznosi 29.941,20 KM bez uračunatog PDV-a.

II

Ova Odluka će se objaviti na web stranici Gradske uprave Goražde www.gorazde.ba sa istovremenim upućivanjem ponuđaču koji je učestvovao u postupku javne nabavke.

III

Grad Goražde će pozvati izabranog ponuđača radi zaključenja odgovarajućih ugovora kojima će se regulisati međusobna prava i obaveze vezane za predmetnu nabavku shodno uslovima ugovornog organa navedenim u tenderskoj dokumentaciji i zakonskim propisima koji regulišu postupke ugovaranja.

Izabrani ponuđač će prije popisivanja ugovora, u roku od 7 dana od dana zaprimanja obavještenja o rezultatima postupka dostaviti ugovornom organu, original ili ovjerene fotokopije dokaza o ispunjavanju uslova u pogledu lične sposobnosti iz člana 45. Zakona o javnim nabavkama u skladu sa tačkom 5.1.4. Tenderske dokumentacije, kao i original ili ovjerenu fotokopiju važeće licence o pravu obavljanja predmetnih radova u skladu sa tačkom 5.2.5. Tenderske dokumentacije.

O b r a z l o ž e n j e

Gradonačelnik Grada Goražda je dana 25.06.2026. godine donio Odluku o pokretanju postupka javne nabavke radova "Nabavka građevinsko-zanatskih radova na adaptaciji zgrade Gradske uprave Goražde", putem otvorenog postupka broj 02-11-4-2134/26. Nabavka je podijeljena na sljedeće lot-ove:

- Lot 1 – Izrada i postavljanje pulta u šalter sali;
- Lot 2 – Ustupanje molersko-farbarskih radova.

Na osnovu navedene Odluke, dana 30.06.2026. godine, na portalu javnih nabavki objavljeno je Obavještenje o javnoj nabavci broj 413-1-3-49-3-83/26, dok je Sažetak navedenog Obavještenja o nabavci objavljen u „Službenom glasniku BiH“ broj 48/26. Tendersku dokumentaciju za ovu nabavku koja je objavljena u sistemu e-nabavke je preuzelo ukupno 12 (dvanaest) ponuđača.

Na osnovu pomenutog Obavještenja proveden je postupak prikupljanja i otvaranja ponuda što je konstatovano u Zapisniku sa otvaranja ponuda od 21.07.2026. godine.

Komisija za provođenje procedure javne nabavke imenovana Rješenjem Gradonačelnika broj 02-11-4-2134-1/26 od 09.07.2026. godine sačinila je Zapisnik o pregledu i ocjeni ponuda iz kojeg se vidi sljedeće:

- da je u ostavljenom roku za dostavljanje ponuda za izvođenje građevinsko-zanatskih radova na adaptaciji zgrade Gradske uprave Goražde za lot1 i lot2 ponudu dostavio ponuđač „Goraždestan“ d.o.o. Goražde;
- da dostavljena ponuda ponuđača „Goraždestan“ d.o.o. Goražde ispunjava formalno pravne uslove za učešće, uslove u pogledu lične situacije i sposobnosti za obavljanje profesionalne djelatnosti, ekonomsko-finansijske sposobnosti kao i tehničke i profesionalne sposobnosti ponuđača koji su za ovu nabavku postavljeni tenderskom dokumentacijom;
- da u skladu sa članom 4. stav (2) Pravilnika o uslovima i načinu korištenja e-aukcije, e-aukcija nije zakazana jer je u ostavljenom roku za dostavljanje ponuda za sve lot-ove, dostavljena samo jedna ponuda koja je ujedno i prihvatljiva;
- da su ponude ponuđača „Goraždestan“ d.o.o. Goražde sa cijenama ponude za:
 - lot1 (Ustupanje radova na izradi i postavljanju pulta u šalter sali) u iznosu od 12.734,00 KM bez PDV-a,
 - lot2 (Ustupanje molersko-farbarskih radova) u iznosu od 29.941,20 KM bez PDV-a, prema kriteriju „najniža cijena“ ocjenjene kao prihvatljive i najpovoljnije za ugovorni organ.

Na osnovu rezultata pregleda i ocjene ponude Komisija za provođenje postupka javne nabavke građevinsko-zanatskih radova na adaptaciji zgrade Gradske uprave Goražde, predložila je Gradonačelniku Grada Goražda, donošenje Odluke o prihvatanju ponude ponuđača „Goraždestan“ d.o.o. Goražde čija cijena ponude za lot1 (Ustupanje radova na izradi i postavljanju pulta u šalter sali) iznosi 12.734,00 KM bez PDV-a, a za lot2 (Ustupanje molerko-farbarskih radova) iznosi 29.941,20 KM bez PDV-a, budući da su ponude navedenog ponuđača na osnovu provedene procedure, ocjenjene kao prihvatljive i najpovoljnije za ugovorni organ.

Razmatrajući preporuku Komisije te cijeneći naprijed navedeno, preporuka Komisije je prihvaćena pa je odlučeno kao u dispozitivu ove Odluke.

POUKA O PRAVNOM LIJEKU: Protiv ove odluke može se izjaviti žalba u roku od 10 dana od dana prijema iste. Žalba se izjavljuje Uredu za razmatranje žalbi putem Ugovornog organa u pisanoj formi direktno, elektronskim putem ili preporučenom poštanskom pošiljkom, uz dokaz o plaćenju naknadi za pokretanje žalbenog postupka.

GRADONAČELNIK

ERNEST IMAMOVIĆ

DOSTAVITI:

1. Ponuđaču
2. Web stranica ugovornog organa
3. u spis
4. a/a